



# basic education

---

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SEPEDI LELEME LA GAE (HL)**

**LEPHEPHE LA BOBEDI (P2)**

**2021**

**TLHAHLO YA GO SWAYA**

**MEPUTSO: 80**

**Palomoka ya matlakala a tlhahlo ya go swaya ke 26.**

**DITŠHUPETŠO TŠA GO SWAYA**

- Ge molekwa a arabile dipotšišo tše di fetago palo yeo e nyakegago, swaya ya mathomo fela (Molekwa ga a swanela go araba potšišo ye telele le ye kopana go tšwa pukung e tee).
- Karolong ya A, ge molekwa a arabile dipotšišo tše nne ka moka mo diretong tše di bonwego, swaya tše pedi tša mathomo.
- Go dikarolo tša B le C, ge molekwa a arabile dipotšišo tše kopana tše pedi goba tše telele tše pedi, swaya ya mathomo o hlokomologe ya bobedi. Ge molekwa a arabile dipotšišo ka moka tše nne, swaya fela ya pele mo karolong ye nngwe le ye nngwe ge e le gore go arabilwe potšišo ye kopana le ye telele.
- Ge molekwa a file dikarabo tše pedi, moo e lego gore ya mathomo e fošagetše mola ya bobedi e nepagetše, swaya ya mathomo gomme o hlokomologe ya bobedi.
- Ge dikarabo di sa nomorwa ka tshwanelo, swaya go ya ka memorantamo.
- Ge mopeleto wo o fošagetšego o ama tlhalošo, swaya phošo. Ge o sa ame tlhalošo, gona mo fe mopotso.
- Potšišo ye telele: Ge karabo ya potšišo ye telele e le ka tlase ga botelele bjo bo nyakegago, se mo otle ka ge a šetše a ikotlile. Ge e le ye telele kudu, lekola fela mantšu ao e ka bago a 50 o hlokomologe taodišo yeo e šetšego fela o bale thumo.
- Dipotšišo tše kopana: Ge molekwa a sa šomiše ditsebjana moo a kgopetšwego go tsopola, se mo otle.
- Mabapi le dipotšišopulego, ga go meputso ye e tlogo abja go dikarabo tša Ee/Aowa goba Dumela/Go se dumele. Meputso e tlo fiwa fela go lebaka le le fiwago.
- Ga go meputso ye e tlogo abja go dikarabo tša NNETE/MAAKA goba NTLHA/KGOPOLO. Meputso e tlo fiwa fela go lebaka le le fiwago.

**KAROLO YA A: THETO****MONTSHEPETŠABOŠEGO – M Mamabolo****POTŠIŠO YA 1: O LLELANG? – PM Mashilo****Mohlala wa karabo:**

Kgethontšu ke mantšu ao a sego a setlwaedi gomme a dirišitšwe seretong go tšweletša dikgopolo.

Sereti se dirišitše kgetho le tirišo ya mantšu go tšweletša tlhalošo ka tsela ye e latelago:

O ntšhiile nyanyeng	– sereti se tlogetšwe gwa se be le yo a ka go mo thuša.
Kobakoba	– sereti se be se tshetshetha ka morago ga seretwa.
Bokangwajana	– sereti se itswantšha le ngwale (mosetsana yo a lego komeng/bollago).
Ditšwaramarokgo	– ke banna/masogana ba go tlala lenyatšo.
Nyatšabophelo	– batho ba go phela ka go nyatša.
Bokasekhwiri	– sereti se swantšha seretwa le nonyana ye e bitšwago sekhwiri ya go rata go ikgantšha.
Penapeniša motonwana	– go sepela ka boikgantšho/ka go šikinya mafuri.
Hihi	– e šupa setlaela sa mafelelo.
Sethothomoloko	– setlatla seo se abetšego moloko wa gabosona.
Tšhaba diboro	– go se rate go šoma.
Mothešana	– mosetsana yo a kitimetšego go dira tša marato gomme a feleletša a wetše ka gare ga mathata.

O mone bose bja mogalakane – a a thabe ge a ekwa bohloko.

Leratorato le llwe ke tshwele – leratorato le fedile.

**[10]****POTŠIŠO YA 2: GA SE KA PHOŠO – FJR Malebana**

- 2.1 Tšatši ka tšatši – poeletšo ya lentšu  
goba  
Tš – poeletšo ya modumo. (2)
- 2.2 ... konokono tša koša' bošego – sereti se bolela ka baetapele ba baloi bao ba bego ba hloriša seretwa. (2)
- 2.3
- Sereti se tšweletša ngwana yo a phologilego lehu kotsing ya go šiiša ya sefatanaga.
  - Sebakeng sa gore sefatanaga se mmolaye se ile sa mo tlaralalela. (2)
- 2.4 Thetotsholo
- Sereti se sola ditirompe tša seretwa tša go hlokiša batho khutšo. (2)
- 2.5
- Batho le ge ba ka go kganyogela madimabe, thato ya bona gantši ga e ke e phethega ka gore bophelo ga bo laolwe ke bona.
  - Maitshwaro a mabe ga se a loka setšhabeng. (2)

**[10]**

**POTŠIŠO YA 3: NKGOTSO FATŠE KE GO KGOTSO FATŠE – MJ Tauatsoala**

- 3.1 ... re mila ka nkotee. (1)
- 3.2 Ke go tšweletša mošito ka gare ga mothalotheho/Go gatelela kgopolo ya go kgotsofala gare ga sereti le seretwa. (1)
- 3.3
- Ditemanatheto ke tše hlano.
  - Temanatheto ye nngwe le ye nngwe e bopilwe ka methalotheho ye mehlano. (2)
- 3.4 Kelelathalo/Kgopolokeledi/Kgopolotšweledi/Entšampemente.
- Kgopolo ya go gana ka tšhelete ga seretwa mothalotheho wa 19 e fetela mothalotheho wa 20. (2)
- 3.5 Sereti se dirišitše tlemanyithalo/kgokanyi.
- E tlemaganya kgopolo ya bodiidi bjo bo bakilwego ke seretwa le go se kwane ga batho ka lapeng ka lebaka la bopelompe bja gagwe. (2)
- 3.6 Balekwa ba tla fa maikutlo a go fapana.  
Mohlala:  
Maikutlo a pefelo
- Sereti se befedišwa ke ka fao seretwa se ganago go thuša ba gabo ge ba hlagetšwe ke lehu mola mohlantšwe gaboseretwa go na le monyanya ba ba thušitše. (2)
- [10]**

**POTŠIŠO YA 4: MPŠA YA TSWETŠI – LI Masenya**

- 4.1 Bodulabahu (1)
- 4.2 Motsomi wa mmakgonthe yo a boago a bolaile ka mehla. (1)
- 4.3
- Lehu le phela le le gona.
  - Lehu ga le hlaole le tsena malapeng ka moka ka nako tšohle. (2)
- 4.4 Potšišoretoriki
- Sereti se botšiša lehu potšišo ya gore le selela mang eupša se sa letela karabo. (2)
- 4.5
- O šohlile malapa – o tšweletša seswantšho sa go se tsene gabotse/go tsena ka kgang.
  - Wa tsoša lerole – o tšweletša seswantšho sa go hlola tlhakahlakano. (2)
- 4.6
- Nta thekeng ke go topile/o šia tše di itekanetšego.
  - Metara o arogantšwe ka dikarolometara tše pedi.
  - Dikarolometara di arogantšwe ke sešura.  
(TŠE PEDI fela) (2)
- [10]**

**LE**

**POTŠIŠO YA 5: YONA KE EFE? – KL Manamela**

- 5.1 Yena (1)
- 5.2
- Moreti o lemoša batho ka dikereke tše ntši tše di lego gona.
  - Le ge di tletše bjalo fela Modimo ke o tee.
  - Le ge dikereke tše di fapana sa go tla ba sereti ke gore di šomiša Bibe le ka moka. (3)
- 5.3
- Methalotheto ke ye masomepeditshela.
  - Methalotheto ke ye mehlano temanathetong ye nngwe le ye nngwe mola temanatheto ya mafelelo yona e na le ye tshela.
  - Methalotheto ke ye mekopana le ya magareng. (TŠE PEDI fela) (2)
- 5.4
- Merakeng e kaya dikerekeng tša go fapana.
  - Modiši e kaya Modimo. (2)
- 5.5 Balekwa ba tla fa dikarabo tša go fapana.  
Mohlala:
- Sereti se botšiša potšišo yeo e sa nyakego karabo.
  - Sereti se re 'Ya nnete ke efe?' etšwe a sa nyake karabo ya yona. (2)
- [10]**

**PALOMOKA YA KAROLO YA A: 30**

**KAROLO YA B: PADI/DINGWALOTŠHABA****POTŠIŠO YA 6: BADIMO BA BOLETŠE – MJ Mpepele****Mohlala wa karabo:****Tikologo**

Tikologo ya sengwalo ke lefelo la ditiragalo tša baanegwa ka nako ye e rilego. Go na le mehuta ye mebedi ya tikologo, e lego ya sebjalebja le ya segologolo.

**Tikologo ya 'Badimo ba boletše'**

Tikologo ke ya segologolo.

- Baanegwa le ditiro ke tša segologolo mola le bophelo le bjona go phelwa bja segologolo.

**Nako**

Ge go bolelwa ka nako go bolelwa ka mehla yeo ditiragalo di diregago ka yona.

- **Dinaga di bušwa ke magoši**

Mohu Kgoši Tsweke e be e le kgoši ya Bakone, Kgoši Manamela ke kgoši ya Bahlaloga.

- **Tatelano ya bogoši**

Kgoši ge e hlokofetše bogoši bo fiwa ngwana wa pele ka lapeng. Ditau o swanetše go tšea bogoši bja tatagwe.

- **Go sepelwa ka maoto ge go tšewa maoto**

Barongwa ba go tšwa ga Kgoši Manamela ba tšile ga Kgoši Pilošamadiba go tliša molaetša wa gore ka leo le latelago ba a hlaselwa.

- **Melato e ahlolwa ke kgoši**

Mothofela o amogela barongwa ba go tšwa ga Kgoši Manamela a se ke a tsebiša Kgoši Pilošamadiba. O ile a ahlolwa ka gore a kgokelelwe mohlareng bošego ka moka.

- **Manyalo a setšo/segoši**

Mokgekolo Komanyi o roma barongwa go ya ga Kgoši Pilošamadiba go nyala Thabišo. Magoši a be a nyalelana le gona go kgethela bana ba bona balekane. Tsweke o kgethela Ditau Thabišo.

- **Go tshepilwe dingaka tša setšo**

Ditau o išwa go Ngaka Ngwetšana kua ga Mmalebogo go hlapišwa. Mokgekolo Komanyi o ya go Ngaka Mpotše gore a tle a fokafoke ka gae ka ge Ditau a be a lwala.

**Lefelo**

Go bolelwa ka lefelo leo ditiragalo di kgaatlampanago go lona.

- **Kgorong ya Mošate wa Bakone**

Senyama le Makgabo ba goroga kgorong ba hwetša go šetše go fihlile diputswa tše tharo.

- **Lešakeng**

Lešaka la dikgomo lapeng la mošate fao Senyama le Makgabo ba laetšwego go hlaola dikgomo tše tšhelela tša go ya ga Kgoši Pilošamadiba.

- **Motse/Mošate wa Kgoši Pilošamadiba**

Barongwa ba Kgoši Manamela ba tšile go kgopela sego sa meetse go Kgoši Pilošamadiba. Bona ba hweditše e le gore ba Kgoši Tsweke ba šetše ba ageleditše motšhidi.

- **Motse/Mošate wa Kgoši Manamela**

Go ntšhwa banna go ya go Kgoši Ntobe go ya go mo loma tsebe gore o a hlaselwa.

- **Motse/Mošate wa Kgoši Tsweke**

Ke fao go rerwago ditaba tša Ditaui tša gore o swanetše a nyale ga Kgoši Pilošamadiba go ya ka thato ya mohu tatagwe gomme Ditaui o ganana le taba yeo.

- **Ga Ngaka Mpotše**

Komanyi o ile go Ngaka Mpotše go ya go kgopela thušo ya go thea motse wa Bakone.

- **Motse wa Kgoši Ntobe**

Banna ba Kgoši Manamela ba tsena motseng wa Kgoši Ntobe go mo loma tsebe ka go hlaselwa ga gagwe. Ngaka Motšedi o foka motse.

- **Ga Ngaka Ngwetšana**

Ditaui o išitšwe go Ngaka Ngwetšana go ya go alafša.

**[25]**

## POTŠIŠO YA 7: **BADIMO BA BOLETŠE** – MJ Mpepele

### SETSOPOLWA SA A

- 7.1
- Kgoši
  - Kgorong
  - Phalafala
  - Bakgomana.  
(YE MEBEDI fela)
- (2)
- 7.2
- 7.2.1. Mothofela ke mokgomana wa kgoro ya Kgoši Pilošamadiba.
- 7.2.2. Nkone ke mohlokomedi wa Thabišo.
- (2)
- 7.3
- Kgoši Pilošamadiba o thulana le Mabina mabapi le baeng ba go tšwa ga Kgoši Manamela – Thulanontle.
- (2)
- 7.4
- Poledišano e tšweletša Mabina e le motho wa go ba le tlhompho ka ge a reta kgoši le ge a mo omanyana/Poledišano e tšweletša Pilošamadiba e le motho wa lešata ka ge a omanyana Mabina.
  - Poledišano gare ga Kgoši Pilošamadiba le Mabina e tšweletša maikutlo a pefelo a Kgoši Pilošamadiba.
  - Poledišano ya Kgoši Pilošamadiba le Mabina e tšwetša pele tiragalo ya go amogelwa ga barongwa ba Kgoši Manamela ka phošo lapeng la Kgoši Pilošamadiba.
  - Poledišano e utolla thulanontle gare ga Mabina le Kgoši Pilošamadiba ge a amogetše barongwa ba go tšwa ga Kgoši Manamela.  
(TŠE THARO fela)
- (3)
- 7.5
- Balekwa ba tla fa dikarabo tša go fapana.
- Mohlala:
- Moya wa kgalefo
- Kgoši Pilošamadiba o ile a galefela Mabina mabapi le go se mmotše ka ga ketelo ya ba gaManamela.
- GOBA**
- Moya wa letšhogo
- Mabina o laetša go tšhošwa ke go bonwa phošo ya go amogela banna ba go tšwa ga Kgoši Manamela.
- (2)
- 7.6
- Balekwa ba tla fa maikutlo a go fapana.
- Mohlala:
- Maikutlo a manyami
- Ke nyamišwa ke Ditau ge a sa nyake go phethagatša lentšu la mohu tatagwe le maele a mmagwe ka taba ye.
  - Ke nyamišwa ke go hlephiša lekgeswa ga Ditau.  
(E TEE fela)
- (2)



**SETSOPOLWA SA B**

- 7.7 Molwantšhwa – Ditau  
Mohlohleletši – Kgokolo/Rašuwā/lentšu la Kgoši Tsweke (2)
- 7.8
- Komanyi o tšwa ga Kgoši Pilošamadiba go kgopela gore Thabišo a tle lapeng la Bakone go ya le ka fao mohu Kgoši Tsweke a ratilego ka gona.
  - Kgoši Pilošamadiba o be a na le kgonono ya gore na Thabišo o nyalwa ke lapa na, eupša mafelelong a lokolla Thabišo. (2)
- 7.9
- Diteng tša setsopolwa se di mabapi le Mokgekolo Komanyi yo a nyakago go nyala Thabišo bjalo ka ngwetši ya lapa ebile a eya go Ngaka Mpotše go nyaka thušo ya gore a tle a fokafoke motse wa gagwe.
  - Sehloa sa padi ye se mabapi le go lwala ga Ditau gomme Ngaka Mpotše a mo hlatšiša. (2)
- 7.10 Balekwa ba tla fa diponelopele tša go fapana.  
Mohlala:
- Ditau a ka nyala Thabišo fela a se mo hlokomele.
  - Ditau a ka nyala Thabišo go kgotsofatša mmagwe.
  - Ditau a ka tšwela pele ka go ngangabala. (3)
- 7.11 Leina la padi ke 'Badimo ba boletše.'
- Diteng tša padi ye di mabapi le Ditau yo a ganago go phethagatša lentšu la mohu (badimo).
  - Morago ga go gana ditaello bophelo bja se mo sepelele gabotse go fihlela a phethagatša lentšu la mohu. (3)
- [25]**

**POTŠIŠO YA 8: KGALAGALO TŠA SETU – MS Machitela****Mohlala wa karabo:****Thulano**

Thulano e tšwelela ge moanegwa goba baanegwa ba babedi goba ba go feta ba fapana ka dikgopolo le maikemišetšo. Go na le mehuta ye mebedi ya thulano e lego thulano ya ka gare le thulano ya ka ntle.

**Thulano ya ka ntle**

Thulano ya ka ntle ke ge moanegwa a thulana le moanegwa goba baanegwa ba bangwe ka dikgopolo, dipolelo goba ditho tša mmele.

- Thulano gare ga Molatelo le Mojagobedi ka taba ya gore ba ye go ba le ga bona, Molatelo o re kgaetšedi ya Mojagobedi Mmakoma ga a mo rate, efela Mojagobedi o ganana le seo.
- Thulano gare ga Molatelo le Mojagobedi ka taba ya gore Mojagobedi ke seratantepa mola Mojagobedi a re Molatelo ke mmalehufana. (Molatelo o lla ka taba ya gore Mojagobedi o boa gae bošego go ra gore o tšwa basading ba bangwe).
- Thulano gare ga Tumpu le Molatelo ba thulana ka taba ya go se phedišane gabotse ga Molatelo le Mojagobedi ka lapeng la bona, ge Mojagobedi a dumeletše Tumpu gore a tle a boledišane le Molatelo.
- Thulano gare ga Mphapantšhi le Keletšo ba thulana ka taba ya Molatelo ya go se tshepe Mojagobedi le taba ya gore a mmotše goba a se ke a mmotša ka bolwetši.
- Thulano gare ga Mojagobedi le Molatelo ge a (Mojagobedi) šišinya gore ba be le ngwana yo mongwe.
- Thulano gare ga Mphapantšhi le Mojagobedi ge Mphapantšhi a mo latelela gae a mo hwetša ka phapošeng ya bodulo, gomme a gapeletša go ba le yena.
- Thulano gare ga Mphapantšhi le Keletšo ka taba ya maaka ao a a bolelago a gore o bone sefatanaga sa Mojagobedi kua GaMaupa.
- Thulano gare ga Molatelo le batswadi ba gagwe ka ge ba ganana le taba ya gagwe ya go hlala Mojagobedi.

**Thulanogare**

Thulano ya ka gare ke ge moanegwa a thulana le dikgopolo tša gagwe. O ba seemong seo a bago le dikgopolo tše pedi tšeo di thulanago.

- Mojagobedi o thulana le dikgopolo mabapi le maitshwaro a Molatelo o gopola go hlala Molatelo gore a e kaba ke eng seo se mo dirišago seo, efela ge a gopola ka morwa wa gagwe Matome, o phaela kgopolo yeo thoko, a kgotlelela.
- Molatelo o thulana le dikgopolo tša gagwe mabapi le go taba ya go botša monna wa gagwe ka bolwetši bja gagwe.
- Molatelo o ipotšiša dipotšišo tša gore Modimo o gona goba aowa, gona ke ka lebaka la eng a mo tlogetše a e ba le bolwetši bja kankere ya molomo wa popelo ka godimo ga bolwetši bja madi a magolo.
- Molatelo o thulana le dikgopolo mabapi le taba ya Ngaka Devendranth ya gore o swanetše go botša monna wa gagwe ka taba ya bolwetši bja gagwe bja kankere ya molomo wa popelo.

- Mojagobedi o lwa le dipelo ka taba yeo Mphapantšhi a mmoditšego yona ya gore “ge nkabe o tseba tšeo nna ke di tsebago ka Molatelo.” O ipotšiša gore e ka ba Mphapantšhi o tseba eng seo yena a sa se tsebego.
- Molatelo o lwa le dipelo mabapi le taba ya gore a botšiše Mojagobedi ka taba ya gore sefatanaga sa gagwe se bonwe Ga Maupa, ga mosadi wa go hloka monna.

**Thumo**

Molokoloko wo wa dithulano o godiša maatlakgogedi go mmadi gore a tšwele pele le go bala maikemišetšo e le go kwa gore Molatelo le Mojagobedi ba tla felela kae ka go se boledišane ka mathata a lapa la bona.

**[25]**

**POTŠIŠO YA 9: KGALAGALO TŠA SETU – MS Machitela****SETSOPOLWA SA C**

- 9.1
- Baoki
  - Dikhafothini
  - Ditšhwaana
  - Dithemometha
  - Dihlare le diphilisi.  
(YE MEBEDI fela)
- (2)
- 9.2
- 9.2.1 Mphapantšhi ke mogwera/mošomimmogo wa Keletšo.
- 9.2.2 Molatelo ke mogwera/mošomimmogo wa Mphapantšhi.
- (2)
- 9.3 Keletšo o thulana le dikeletšo tša Mphapantšhi tša go hladiša Molatelo - Thulanontle.
- (2)
- 9.4
- Poledišano e tšweletša Keletšo e le motho wa go agiša ka ge a eletša Molatelo gore a hlomphe monna wa gagwe/Poledišano e tšweletša Mphapantšhi e le motho wa go se agiše ka ge a re Molatelo a hlale Mojagobedi.
  - Poledišano ya Molatelo, Mphaphantšhi le Keletšo e tšwetša pele tiragalo ya go boela mošomong ga bona ka morago ga matena.
  - Poledišano ya Molatelo, Mphaphantšhi le Keletšo e tšweletša moya wa kgakanego ka ge Molatelo a ile a se tsebe gore a tšee keletšo ya mang.
  - Poledišano e tšweletša thulanontle ya Mphapantšhi le Keletšo mabapi le go thubela Molatelo lapa.  
(TŠE THARO fela)
- (3)
- 9.5 Balekwa ba tla fa dikarabo tša go fapana.  
Mohlala:  
Moya wa kgakanego
- Molatelo o kgakanegong ka lebaka la maele ao a a botšwago ke bagwera ba gagwe a go se elele felo gotee.
- (2)
- 9.6 Balekwa ba tla fa maikutlo a go fapana.  
Mohlala:  
Maikutlo a manyami
- Ke nyamišwa ke Molatelo ge a utela monna wa gagwe gore o na le bolwetši bja kankere ya molomo wa popelo/Ke nyamišwa ke Molatelo ge a bololla diphiri tša lapa la lagwe go bagwera ba gagwe.
- (2)

**SETSOPOLWA SA D**

- 9.7
- Molwantšhwa – Molatelo
  - Mohlohleletši – sephiri
- (2)

- 9.8
- Mphapantšhi o etela Mojagobedi ka sephiring ka maikemišetšo a go mo gokagoketša ka tša lerato.
  - Mojagobedi o ile a befelela Mphapantšhi gomme a mmušetša gae mantšiboeng a letšatši leo. (2)
- 9.9
- Diteng tša setsopolwa se di mabapi le Molatelo yo a lego magahlanong a ditsela ka lebaka la maele ao a a fiwago ke bagwera ba gagwe.
  - Se se godiša bothata pading ye ka ge Molatelo a ile a tšea maele a Mphapantšhi a gore a hlale Mojagobedi moo a ilego a se kwane le batswadi gomme a feleletša a thulwa ke sefatanaga. (2)
- 9.10
- Balekwa ba tla fa diponelopele tša go fapana.  
Mohlala:
- Molatelo a ka kgaogana le Mojagobedi.
  - Maemo a a ka hlolela Molatelo kgatelelo ya monagano.
  - Segwera sa Mphapantšhi le Molatelo se ka fela. (3)
- 9.11
- Balekwa ba tla fa dikarabo tša go fapana.  
Mohlala:  
Leina la padi ke 'Kgalagalo tša setu'.
- Diteng tša padi ye di mabapi le Molatelo yo a utelago monna wa gagwe (Mojagobedi) bolwetši.
  - Morago ga fao sephiri sa bolwetši se a utologa gomme setu sa fela. (3)
- [25]**

**DINGWALOTŠHABA****POTŠIŠO YA 10: TODI YA BATLOGOLO – M Makgopa, BMT Makobe le AP Nkadimeng****Mohlala wa karabo:****Molaetša wa dingwalotšhaba**

Molaetša ke thuto yeo mongwadi a ratago go e fihliša go mmadi.

**Molaetša wa nonwane ya Maropeng go a boelwa**

Molaetša wa nonwane ye ke go eletša batho gore ba se be le megabaru ka ge e se na moputso.

- Mokgekolo Megokgo e be e le ngaka ya go alafa malwetši a go fapana.
- Bongaka bjo o bo hweditše ka go re a bolaye ngwana wa gagwe wa leitšibolo a laelwa ke Mamokebe, noga ya ka meetseng.
- Mamokebe o abetše Megokgo bohumi gomme a mo lemoša gore o ile go phela ka madi a bana ba gagwe.
- Megokgo a dumelelane le Mamokebe ka ge a be a nyaka bohumi.
- Bana ba gagwe ba rile go fela Megokgo a phela a nnoši.
- O ile a palelwa ke go alafa molwetši ka ge go be go tsomega moriri wa ngwana wa gagwe.
- Mamokebe a nyaka madi a motho gomme Megokgo a a hloka a swanelwa ke go ja yena.
- Megokgo a lla a kgopela Mamokebe go boela maropeng go mo nyakela ba bangwe.
- Mamokebe a gana go kwa a botša Megokgo gore o tla ya e le setopo.

**Sereto****Molaetša wa sereto sa Maphungubwe**

- Ke lefase la bagale ba lefaufau
- Go lota setšo sa MaAfrika
- Go eletša batho ka tšhomišanommogo ya merafe
- Go lota tlhago
- Kgwebišano ya merafe
- Ke naga ya mokhora

**Košana****Molaetša wa košana ya Basadi ba mo ke baloi**

- E tutuetša batho gore ge ba le moketeng ba hloke mona, ba tie mekgolokwane ba hlakelele monyadi le monyadiwa.
- E thabiša batho bao ba tlilego lenyalong.
- E kodutla basadi bao ba sa tiego mekgolokwane.

**[25]**

**POTŠIŠO YA 11: TODI YA BATLOGOLO – M Makgopa, BMT Makobe le AP Nkadameng****SETSOPOLWA SA E**

- 11.1 E rile e le nonwane!  
Keleketla! (1)
- 11.2 • Mpša - molwantšhwa  
• Mmutla - molwantšhi (2)
- 11.3 • Mmutla le Mpša ke bagwera.  
• Mpša le Mmutla ba be ba fepelana bana. (2)
- 11.4 Balekwa ba tla fa dikarabo tša go fapana.  
Mohlala:  
• Poledišano ya Mmutla le Mpša e tšweletša maikutlo a Mpša a kwelobohloko ge a re 'o reng o nkgarola pelo mogwera.'  
• Poledišano e tšweletša semelo sa bosehlogo bja motho ka boyena ge a re: 'wena Mpša, o a tseba gore motho o sehlogo bjang.'  
• Poledišano ya Mpša le motho e sentše segwera sa Mpša le Mmutla. (3)
- 11.5 Balekwa ba tla fa dikarabo tša go fapana.  
Mohlala:  
• Mmutla ke phoofolo ya go tshepega ka ge a be a kgona go šala le bana ba Mpša.  
• Mmutla ke lefšega ka ge a be a bolela gore yena o phela a tšhaba.  
• Mmutla o na le letsogo la go fa ka ge a be a fela a efa Mpša dijo. (3)
- 11.6 Kakanyotlhalošo  
• E akanya ka moo Mmutla le Mpša di thomilego go ba manaba ka gona. (2)
- 11.7 Balekwa ba tla fa dikarabo tša go fapana.  
Mohlala:  
Motho o swanelwa ke go botegelela dikano tša gagwe.  
• Mpša ga se nke ya botegelela segwera sa gagwe le Mmutla ka lebaka la motho. (2)

**SETSOPOLWA SA F**

- 11.8 ... **Phakakang**  
... Gobetse  
... **Phakakang**  
Goba  
**Ga ...**  
Batho ...  
**Ga ...** (1)
- 11.9 • Sereto se bopilwe ka methalotheto ye 20  
• Methalotheto ke ye mekopana, ya magareng le o mo telele.  
(E TEE fela) (1)
- 11.10 Karolometara ya 1: Ga re nene  
Karolometara ya 2: Re moloko mong (2)
- 11.11 Ke seretotumišo  
• Se tumiša Babinatau ba kgoro ya gaMaleka. (2)
- 11.12 Kelelathalo/Kgopolotšweledi/Entšampemente/Kgopolokeledi e dirišitšwe go tlemaganya dikgopolo tša ka fao ba gaMaleka ba tswalanago ka gona. (2)
- 11.13 Balekwa ba tla fa maikutlo a go fapana.  
Mohlala:  
Maikutlo a lethabo  
• Sereti se thabišwa ke botšo, tswalano le mokgwa wa go phela wa kgoro ya ba gaMaleka. (2)

**[25]****PALOMOKA YA KAROLO YA B: 25**



**KAROLO YA C: PAPADI/TERAMA****POTŠIŠO YA 12: O IPHIHLETŠENG? – LT Maphoso****Mohlala wa karabo:****Thulaganyo**

Thulaganyo ke peakanyo ya tatelano ya ditiragalo kgato ka kgato ka gare ga papadi. Diponagalo tša thulaganyo ke tše di latelago: kalotaba, sethakgodi, kgolo ya bothata, sehloa le tharollo ya bothata.

Tshekatshekong ye go ya go lebelelwa kalotaba, sethakgodi, sehloa le tharollo ya bothata.

**Thulaganyo ya 'O iphihletšeng?'****Kalotaba**

Ditiragalo tša sengwalo di thoma ka go tšweletša:

- Rebone (molwantšhwa)
- Mahunela (molwantšhi)
- Tikologo ke ya sebjalebja
- Lefelo la ditiragalo: mabenkelekgoparara
- Ditiragalo di mabapi le Rebone yo a phethagaditšego dithuto tša gagwe tša marematlou gomme a gopola go ya yunibesithi.
- Tswalano ya baanegwa: Mahunela ke tatagoRebone/Rebone ke morwedi wa Mahunela.

**Sethakgodi**

Mahunela o gana go iša Rebone yunibesithi.

**Sehloa**

- Go utswiwa ga dikgomo le go timela ga tšhelete ya Mahunela.
- Mahunela o tsenwa ke bolwetši.

**Tharollo ya bothata**

- Ngaka Thokgola, Benjamene le Sarinki ba a swarwa.
- Sarinki o utolla sephiri sa gore ke yena yo a bego a thuša Rebone ka tšhelete ya go lefela dithuto tša gagwe.

**[25]**

**POTŠIŠO YA 13: O I PHIHLETŠENG? – LT Maphoso****SETSOPOLWA SA G**

- 13.1 O a kwa matšhila ... (1)
- 13.2
- Sekolo (2)
  - Tšhelete. (2)
- 13.3
- Di hlahla mmadi (*O a sepela*)/(*O kgwahlela lebatl*) (2)
  - Di tšweletša maikutlo (*O tla lwa ke pelo*)/(*Ka kholofelo*) (2)
- 13.4
- Mahunela ke motswadi wa go hloka maikarabelo ka ge a hlohleletša Rebone go inyakela lesogana mola Rebone e le ngwana wa go ba le maikarabelo ka ge a gana go nyalwa pele a fetša dithuto tša gagwe. (2)
- 13.5 Balekwa ba tla fa dikarabo tša go fapana.  
Mohlala:
- Moanegi o diriša ditšhupasefala go tšweletša ditiro, maikutlo le dimelo tša babapadi – (*Mahunela o tlabegile ge a bolela le Rebone*) (2)
- 13.6 Balekwa ba tla fa maikutlo a go fapana.  
Mohlala:  
Maikutlo a pefelo
- Mahunela ga a bontšhe maikarabelo thutong ya ngwana wa gagwe. (2)

**SETSOPOLWA SA H**

- 13.7 Mminorathwana (1)
- 13.8 Shai ke moruti wa kereke ya boJemina. (1)
- 13.9 Benjamene o išitše tšhelete ya go nyala Sarinki go mmaneagwe Jemina. (1)
- 13.10 Thulanontle
- Jemina o thulana le Sarinki ka morago ga kutollo ya gore ke yena a bego a eja tšhelete ya Mahunela a bile a ratana le yena. (2)
- 13.11 Khwelelo ke ge Benjamene a araba mogala a tloga segodišamantšung mola tšwelelo e le ge Benjamene a bolela ka mogala le Rebone a batamela segodišamantšu. (2)
- 13.12
- Batheeletši ba tsebile gore Sarinki ke yena a bego a eja tšhelete ya Mahunela pele ga ge Rebone a ka tseba. (2)
  - Batheeletši ba tsebile ka lerato la Sarinki le Mahunela pele ga ge le ka utolloga.
  - Batheeletši ba a tseba gore dikgomo tša Mahunela di be di utswa ke Benjamene mola yena a be a sa tsebe
  - Batheeletši ba a tseba gore puku yeo Rebone a e hweditšego ka posong e rekilwe ke mang mola yena a be a sa tsebe (TŠE PEDI fela) (2)

- 13.13 Mahunela
- Ke mmapadi yo a sa golego ebile a sa fetošwe ke mabaka.
  - Mahunela e bile monna wa ngame le go hloka maikarabelo go tloga mathomong go fihla mafelelong. (3)
- 13.14 Balekwa ba tla fa dikarabo tša go fapana.  
Mohlala:  
Morero wa papadi ye ke gore 'phegelelo e tliša katlego'.
- Rebone o ba le mapheko leetong la gagwe ka ge tatagwe a sa nyake go mo thuša fela o ile a kgotlelela go tsena sekolo go fihla yunibesithi. (2)
- [25]

#### POTŠIŠO YA 14: NAGA GA DI ETELANE – MS Serudu

##### Mohlala wa karabo:

##### Thulaganyo

Thulaganyo ke peakanyo ya tatelano ya ditiragalo kgato ka kgato ka gare ga papadi. Diponagalo tša thulaganyo ke tše di latelago: kalotaba, sethakgodi, kgolo ya bothata, sehloa le tharollo ya bothata.

Tshekatshekong ye go ya go lebelelwa kalotaba, sethakgodi, sehloa le tharollo ya bothata.

##### Thulaganyo ya '*Naga ga di etelane*'

##### Kalotaba

Ditiragalo tša sengwalo di thoma ka go tšweletša:

- Mphaka (molwantšhwa)
- Tokari, Mbari, Rola le Kala (balwantšhi)
- Tikologo ke ya sebjalebja
- Lefelo la ditiragalo: Takone
- Ditiragalo di mabapi le Mphaka yo a bego a falaletše nageng e šele ka lebaka la go se kgotsofatšwe ke pušo ya motse wa gabo wa Bonwatau.
- Tswalano ya baanegwa: Mphaka ke monna wa Hunadi

##### Sethakgodi

Polelonoši ya Mphaka mabapi le mabaka a gagwe a go mo tloša gae Bonwatau.

##### Sehloa

- Poso ya ka godimo ga yeo Mphaka a e swerego e hlomilwe gomme go thwe ngwana wa mobu yo a hlokago tsebo le boitemogelo a fiwe maemo ao.
- Seemo le sona se ngangegile mo yunibesithing.

##### Tharollo ya bothata

Mphaka o tšea sephetho sa go boela gae Bonwatau.

[25]



- 15.11
- Mphaka ga a tsebe gore ke ka lebaka la eng a sa hwetše phetolo mabapi le kgopelo ya gagwe ya bodulo Letsheng la Mogadisho.
  - Babadi ba tseba gore go se hwetše phetolo ga gagwe ke ka lebaka la gore ga a nyakege ka ge e le mofaladi.
- (2)
- 15.12 Hunadi
- Ke mmapadi yo a sa golego, le ge ba be ba tšama ba kopana le mathata a bofaladi ga se nke a tlogela go thekga monna wa gagwe.
- (2)
- 15.13 Balekwa ba tla fa dikarabo tša go fapana.  
Mohlala:  
Morero wa papadi ye ke gore 'legae la bomotho ga le na bosehlana'.
- Mphaka ge a tloga Bonwatau o ikanne gore a ka se sa boa ka ge a be a dumela gore o a tlaišwa.
  - Mphaka o kopana le mathata dinageng tšeo a falaletšego go tšona gomme mafelelong o ikhwetša a se na le kgetho, a swanela ke go boela gagabo.
- (3)

**I251**

**POTŠIŠO YA 16: LEHUFA – P Mothupi****Mohlala wa karabo:****Thulaganyo**

Thulaganyo ke peakanyo ya tatelano ya ditiragalo kgato ka kgato ka gare ga papadi. Diponagalo tša thulaganyo ke tše di latelago: kalotaba, sethakgodì, kgolo ya bothata, sehloa le tharollo ya bothata.

Tshekatshekong ye go ya go lebelelwa kalotaba, sethakgodì, sehloa le tharollo ya bothata.

**Thulaganyo ya 'Lehufa'****Kalotaba**

- Ditiragalo tša sengwalo di thoma ka go tšweletša:
  - Radithekisi (molwantšhwa)
  - Lerato (molwantšhi)
- Lefelo la ditiragalo: Boemapese bja Tafelkop ga Kgoši Matsepe.
- Ditiragalo di mabapi le Radithekisi yo a bego a hloriša mosadi wa gagwe Lerato ka lebaka la lehufa.
- Tikologo ke ya sebjalebja.
- Tswalano ya baanegwa: Radithekisi ke monna wa Lerato/Lerato ke mosadi wa Radithekisi

**Sethakgodì**

Ntlogeleng o hwetša dinomoro tša Lerato ka paking ya Ntshepe.

**Sehloa**

Go ithuntšha ga Radithekisi ka maikemišetšo a go ipolaya.

**Tharollo ya bothata**

- Ntshepe le Lerato ba a ratana ebile ba a nyalana.
- Radithekisi o kgopela tshwarelo go Ntshepe le Lerato gomme ba a mo swarela.

**[25]**

**POTŠIŠO YA 17: LEHUFA – P Mothupi****SETSOPOLWA SA K**

- 17.1 ... ke rute mosadi yo go phela le batho (1)
- 17.2
- Dinomoro tša mogala
  - Mokotlana
  - Maphodisa
  - *Meneer.*
- (TŠE PEDI fela) (2)
- 17.3
- Di hlahla mmadi (*O ntšha dinomoro tša mogala ka mokotlaneng*)
  - Di tšweletša semelo – Ntlogeleng o bolela *ka mereba* (2)
- 17.4 Lerato ke motho wa go se tšewe ke maikutlo ka ge a sa ithogele ge Ntlogeleng a mo roga mola Ntlogeleng e le motho wa go tšewa ke maikutlo (O roga Lerato le ge a se na bohlatse bja taba yeo a mo rogelago yona ya gore dinomoro tša mogala di amana le marato). (2)
- 17.5 Moanegi o diriša ditšhupasefala go tšweletša ditiro, maikutlo le dimelo tša babapadi - Ntshepe o bolela le Lerato ka go makala. (2)
- 17.6 Balekwa ba tla fa maikutlo a go fapana.  
Mohlala:  
Maikutlo a manyami
- Ke nyamišwa ke maitshwaro a Ntlogeleng ge a latelela Lerato mošomong gomme a mo roga pele ga batho. (2)

**SETSOPOLWA SA L**

- 17.7 Motsiri ke mmago Lerato/Lerato ke morwedi wa Motsiri. (1)
- 17.8
- Go ithuntšha ga Radithekisi.
  - Go amogelwa ga Radithekisi bookelong. (2)
- 17.9
- Leeto la Ntshepe le Lerato ka sefatanaga.
  - Go thuntšhana ga boTsarane le Leepo le maphodisa. (2)
- 17.10 Thulanontle
- Lerato o thulana le Motsiri mabapi le go yo bona Radithekisi bookelong. (2)
- 17.11
- Ntlogeleng o hwetša dinomoro tša mogala ka paking ya Ntshepe gomme o gopola gore Ntshepe le Lerato ba a ratana.
  - Babadi ba tseba gore dinomoro tšela ke tša gore Ntshepe a leletše Lerato ge go na le seo a se nyakago ka lebenkeleng. (2)

- 17.12 Ntshepe
- Ke mmapadi yo a sa golego, le ge Radithekisi a ile a mo rapela manaba a go mmolaya ga se a ka a mo hloya. (2)
- 17.13 Balekwa ba tla fa dikarabo tša go fapana.  
Mohlala:  
Morero wa papadi ye ke gore 'lehufa ga le age motse'
- Radithekisi o na le lehufa go mosadi wa gagwe Lerato gomme seo se feleletša se thuba lapa la bona.
  - Ntlogeleng o hufagalela monna wa gagwe Ntshepe gore o ratana le Lerato gomme mafelelong o feleletša a ipolaile. (3)
- [25]

**PALOMOKA YA KAROLO YA C: 25**  
**PALOMOKA YA TLHAHLOBO: 80**



**KAROLO YA A: RUBRIKI YA GO SWAYA DIPOTŠIŠO TŠE TELELE: THETO [MEPUTŠO YE 10]**

<b>Dinyakwa</b>	<b>Bokgoni bja go ikgetha</b>	<b>Bokgoni bja maemo</b>	<b>Bokgoni bja magareng</b>	<b>Bokgoni bja motheo</b>	<b>Ga go bokgoni</b>
	<b>5 - 6</b>	<b>4</b>	<b>3</b>	<b>2</b>	<b>1</b>
<b>DITENG</b>  Tlhalošo ya sererwa. Botebo bja dikgopolo, kgonthišišo le kwešišo ya setšweletšwa.   <b>MEPUTSO YE 6</b>	- Tlhalošo ye e tseneletšego ya sererwa - Tatelano ya dikgopolo tša go ba le maatlakogedi tša go amana thwii le temana - Kwešišo ye e tseneletšego ya sengwalo le sereto	- Kwešišo le tlhalošo ye botse ya sererwa - Potšišo e arabilwe ka botlalo - Dikgopolo tšeo di filwego di a kwagala eupša ga se tšona ka moka tšeo di hlalošitšwego ka mo go nyakegago - Kwešišo ya sengwalo le sereto e bonetše	- Tlhalošo ye e kgotsofatšago ya sererwa - Go na le dintlha di se kae tšeo di amanago le sererwa - Tše dingwe tša dikgopolo di a kwagala eupša ga di kgodiše - Kwešišo ya motheo ya sengwalo le sereto	- Tlhalošo ya sererwa ga e kgotsofatše - Ga go dintlha tšeo di amanago le sererwa - Ga go kwešišo ya sengwalo le sereto	- Ga go kwešišo ya sererwa - Karabo ga e sepelelane le sereto - Morutwana ga a tsebe selo ka ga sengwalo le sereto
	<b>4</b>	<b>3</b>	<b>2</b>	<b>1</b>	<b>0</b>
<b>SEBOPEGO LE POLELO</b>  Sebopego, kelelo le kalo ya dikgopolo. Polelo, segalo le setaele tšeo di dirišitšwego ge go ngwalo taodišo.   <b>MEPUTSO YE 4</b>	- Sebopego se tšweletša tlemagano ya dikgopolo ye botsebotse - Dikgopolo di hlamegile ebile di tšweleditšwe ka bokgwari - Polelo, segalo le setaele di a kgahliša, ke tša maleba le go hlohla mabjoko - Ga go na le phošwana e tee ya popopolelo, mopeleto le maswaodikga	- Sebopego se tšwelela gabotse ebile se tšweletša go ela ga dikgopolo - Kelelo ye botse ya dikgopolo - Polelo, segalo le setaele ke tša maleba	- Sebopego se a tšwelela - Taodišo ga e na kelelo ye botse ya dintlha ebile ga go tlemagano ya dikgopolo - Diphošo tša polelo ke tše nnyane eupša segalo le setaele ke tša maleba	- Sebopego se bontšha diphošo tša peakanyo - Dikgopolo ga se tša beakanywa ka tatelano ye botse - Diphošo tša polelo ke tše ntši - Segalo le setaele di fošagetše	- Sebopego ga se sa maleba - Diphošo tša polelo ke tše ntšintši ebile le setaele se fošagetše kudu

**KAROLO YA B LE C: RUBRIKI YA GO SWAYA DIPOTŠIŠO TŠE TELELE – PADI, KANEGELOTŠHABA LE PAPADI [MEPUTSO YE 25]**

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
<b>DITENG</b>  Tlhalošo ya sererwa Botebo bja dikgopolo, kgonthišišo le kwešišo ya setšweletšwa.	- Karabo ye botsebotse go fetiša: 14–15 - Karabo ye botsebotse: 12–13 - Tlhalošo ye e tseneletšego ya sererwa - Tatelano ya dikgopolo tša go ba le maatlakgogedi tša go amana thwii le temana - Kwešišo ye botsebotse ya sengwalo le setšweletšwa	- Kwešišo le tlhalošo ye botse ya sererwa - Potšišo e arabilwe ka botlalo - Dikgopolo tšeo di filwego di a kwagala eupša ga se tšona ka moka tšeo di hlalošitšwego ka mo go nyakegago - Kwešišo ya sengwalo le setšweletšwa e a bonala	- Kwešišo ya magareng ya sererwa eupša ga se dintlha ka moka tšeo di hlalošwago ka botlalo - Bontši bja dintlha di amana le sererwa - Tše dingwe tša dikgopolo di a kwagala eupša ga di kgodiše - Kwešišo ya motheo ya sengwalo le setšweletšwa	- Kwešišo ye nnyane ya sererwa - Ga go dintlha tšeo di hlalošwago ka botlalo - Dintlha tše nnyane di amana le sererwa - Tlhalošo e amana gannyane le sererwa - Kwešišo ye nnyane ya sengwalo le setšweletšwa	- Ga go kwešišo ya sererwa - Maiteko a go araba potšišo a fokola kudu - Ditlhalošo ga di kgotsofatše - Morutwana ga a tsebe sengwalo goba setšweletšwa
	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
<b>SEBOPEGO LE POLELO</b>  Sebopego, kelelo le kalo ya dikgopolo. Polelo, segalo le setaele tšeo di dirišitšwego ge go ngwalwa taodišo.	- Sebopego se tšweletša tlemagano ya dikgopolo ye botsebotse - Matseno le mafetšo ke a mabotse kudukudu - Dikgopolo di hlamegile ebile di tšweleditšwe ka bokgwari - Polelo, segalo le setaele di a kgahliša, ke tša maleba le go hlohla mabjoko	- Sebopego se tšwelela gabotse ebile se tšweletša go ela ga dikgopolo - Go na le tlemagano ye botse magareng ga matseno, mafetšo le ditemana tše dingwe tša taodišo yeo - Kelelo ye botse ya dikgopolo - Polelo, segalo le setaele ke tša maleba	- Sebopego se a tšwelela - Peakanyo le tlemagano ya dikgopolo e gona eupša e na le mafokodi - Diphošo tša polelo ke tše nnyane eupša segalo le setaele ke tša maleba - Peakanyo ya ditemana ke ya maleba	- Sebopego se bontšha diphošo tša peakanyo - Dikgopolo ga se tša bewa ka tshwanelo - Diphošo tša polelo ke tše ntši - Segalo le setaele ga se tša maleba - Peakanyo ya ditemana e fošagetše	- Tlhokego ya peakanyo ye botse ya sebopego e dira gore dikgopolo di se elele gabotse - Diphošo tša polelo le setaele sa go fošagala di dira gore go be bothata go bala le go kwešiša molaetša wa taodišo - Segalo le setaele di fošagetše kudu - Peakanyo ya ditemana e fošagetše kudu
<b>MEPUTSO YE 15</b>					
<b>MEPUTSO YE 10</b>					